

Galicia Encantada



ANIVERSARIO
2005 * 2025
Enciclopedia de Fantasía Popular de Galicia

Veciñanzas

CATEGORÍAS RELACIONADAS

Mitoloxía popular del reinu de Llión

Autor: Nicolás Bartolomé Pérez

Ilustra: Alberto Álvarez Peña

Edita: Asociación Cultural Faceira. León, 2013.

L'Asociación Cultural Faceira en colaboración con Cultural Norte edita'l libru Mitoloxía popular del reinu de Llión, del que yía autor Nicolás Bartolomé Pérez ya ilustrador Alberto Álvarez Peña. Esta obra recueche las lliendas mitolóxicas de Llión, Zamora ya Salamanca, esto yía, del viechu reinu de Llión, centrándose nos entes ya personaxes que componen esti aspectu tan poucu conocidu de la nuesa cultura tradicional.

El libru, redactáu dafeitu en lliónés, estrutúrase en doce capítulos nos que se van presentando los seres míticos llióneses entre los qu'alcontramos mucheres sobrenaturales que viven en fontes ya cuevas, mouros encantaos que fixenon obras imposibles, tesouros máxicos ocultos nel interior de la tierra, culebrones monstruosos, renubeiros que controlan nubes ya tuenas, licántropos malditos, inquietantes númenes acuáticos, diañes ya trasgos burllones, filadoras xigantescas, cíclopes antropófagos, misteriosas viechas cavernícolas ya ánimas en pena que rondan polas nueites.

Sin renunciar a una orientación claramente divulgativa, esti trabachu tamién ofrez una introducción al estudiu de la nuesa mitoloxía dende diversas perspectivas como l'análisis comparativu con outras mitoloxías europeas

ya españolas, sin esquecer la importancia de las relixones antigüas na conformanza del fondu más ancestral de los nuegos mitos ou la importante relación que se constata entre esti conxuntu de lliendas tradicionales ya los xacimientos arqueolóxicos de las tierras llionesas.

La obra complementase con una serie de formosas ilustraciones orixinales d'un reconocidu dibuxante especializáu na materia qu'arriquecen ya amenizan el testu.

